

袁中郎全集

集 下



上海大方書局發行

林紓著

韓柳文研究法

商務印書館發

40
B3
3

林 紓 著

韓 柳 文 研 究 法

商務印書館發行

中華民國二十四年十月再版

版權所有

出版者
校閱者
發行人

總發行所

分發行

分售處外埠各大書店

全二巨冊

定價陸元

大方書局

金汝盛

李寶藏

大方書局
上海四馬路中市東華里

九州書局
上海四馬路

文化書社
上海山東路

育英書局
上海山東路

緯山書局
上海山東路

經教新九

局店社局

賣人湖石迤南梔子北。笑君此地最傷神。

苦雪戲作

十日不曾開木扉。強風苦欲弄殘威。辜他媚媚明明節。只作團團絮絮飛。琴客已聞將鶴煮。詩翁又訴打花稀。山人欲取畫中意。故着紅衫戴笠歸。

新買得畫舫將以爲菴因作舟居詩

擬將船舫作安居。載月凭風信所如。魚鳥教他爲侍史。雲烟呼我作尙書。居如老蠹身藏木。行似蝸牛首戴廬。下無卓錫上片瓦。致身今日在空虛。

其二

囊中隨意貯青蚨。歌吹雖喧不可無。隱逸也須添故事。江山真合點狂夫。隨身恰似天宮殿。寓目皆披水畫圖。甲子不須頒鳳曆。但看蓮發與蓮枯。

其三

五湖不是學玄真。且喜素衣不上塵。家移碧纈綾中住。身是屏風畫裏人。閒追船子咨行脚。老倩中蜂作近鄰。一柄蒙頭萬事已。無懷民與葛天民。

其四

鷗鄰魚社作新知。纔唱楊枝又竹枝。風打白蘋來夏口。雨深斑竹過湘祠。不愁入目山無態。只怕磨心景

要詩。喚作朱公些子似。當窗祇是欠西施。

其五

峯巒曲折水灣環。時與遊僧作往還。暫爲書碑來禹廟。纔因買橘上山包。心關網密聊成嘆。夢裏雲牽偶不閒。慎勿誇張竿水過。惹他桑孔算魚蠻。（末句見坡公魚蠻詩）

其六

絲烟絲雨潤江湄。又到花嬌鳥嫩時。杜宇一身皆口頰。垂楊通體是腰肢。閒觀水態思吳壁。暗記方言證楚辭。鸚鵡太文鳧太野。就中潔白是銀鷺。

其七

更無他物作遮闌。但得心忘夢亦安。渭水一竿猶有待。嚴灘百尺也無端。魚龍直作雞豚狎。荇藻卻如蔓棘看。莫把古人來比我。同牀各夢不相干。（末句用陳同甫）

其八

舟居元不卽田功。稍與農家節令同。縱小也妨月額雨。雖暄不用卯頭風。纔聞攤稅征漁戶。又說抽丁報老翁。每被山民來借問。今年湖北幾都豐。

其九

全家相次入烟雲。老鶴稚鷗共一羣。便與青山堅作誓。免勞白水更移文。澄江夜月連天泛。古澗寒聲徹

歲間欲把姓名通遠嶠。圖書先達武夷君。

其十

聯將幽思托芳菲。閒月閒花總息機。青草蓋蹄黃犢喜。白波點尾翠禽飛。江籬不作牢騷詠。神女全拋豔粉衣。縱有志和難比我。我能容得鱖魚肥。

期蘇潛夫遊玉泉竟月不至及至而余復以大人病瘡歸于其行也以訊之

江程纔隔一牛鳴。人事參差奈此行。枉把青山來作夢。孤他白石上題名。花間廢巷查遺跡。雪後崩崖戰水聲。到日天台應寄訊。講堂久矣待袁生。

花朝和坡公韻

絲絲新柳颺堤門。早晚南村又北村。風信煖寒觀樹色。藥苗深淺記竿痕。行來漸覺姑臧重。靜裏頻將姤火溫。是物逢春皆作語。子視未必是啼魂。

是日新晴

一泓幽碧照籬門。偶爲題名過遠村。愁去東風消凍液。喜來春草迸苔痕。鶯花又作新晴看。山水閒將舊譜溫。東野浪仙誰在者。苦吟清句當招魂。

述舊西山下有門頭村多精藍

探春猶記出青門。先問門頭第幾村。近水只觀娥散影。匝堤唯見酒淋痕。花時乞假朝參少。醉後聯鞭笑

語溫。是日把杯人已往。雛鶯新柳也傷魂。

習池道中

深岩寂寂石花斑。完却塵沙車馬顏。是客競來嘗白水。幾人休去伴青山。雲泉到眼無多熱。金紫蒙頭第
一關。三尺磨崖書大字。人生到此是清閒。

七真洞贈道者

雲烟回合蔽仙關。萬仞斜通一橘山。事往已迷新甲子。洞深忘却舊人間。橘皮鶴下遺雛去。萼綠花來採
藥還。白日餌將三五斗。方瞳如水照丹顏。

長生巖逢休糧道者

只將空榻伴嶙峋。花遍桃花澗底春。一口也攢爲長物。諸緣皆可作飛塵。施來白粲都飼鶴。種得黃精每
寄人。留却石爐烟少許。深山遙夜禮高真。

秋日柳浪館雨中王以明劉繩之見過

西風索莫午煙遲。一萬垂楊裊裊絲。夢裏也隨僧入社。閒中多以頌爲詩。遊鱗翕處常分藻。情羽棲時不
論枝。沙碧水清雲潏潏。禾花將綻藕花衰。

館中再用前字寄王以明

聞丹聞碧長秋思。水榭風軒分外宜。老衲寄書離岳久。田家留語赴齋遲。楓堤北枕西湖廟。灤水斜通遼

足池。免使韓公嗤糞壤。園亭是處有新詩。

藕塘

藕塘風起散花鱗。踏徧溪橋不上塵。饑鶴偶來添半口。浮雲忽破現分身。每嫌蕉葉遮簾子。爲觸番書置淨巾。自起澆莎沃白石。清閒賴是不如人。

山居

山居只索任天真。無作無營自在身。青葉髻呼雛弟子。白蓮湖老惰耕人。偶逢上座學觀骨。免與東方難腐脣。一笑蒙城門下士。幾歸滄海幾飛塵。

九日偕諸弟及僧泛舟至和尚橋

蘆花風起雪平川。數畝荒洲倚廢蓮。小榜乍依沙子岸。驚禽忽破水條烟。閒移竹影莓苔地。坐愛溪文荇藻天。且與鷺鷥相伴着。平分僧月載歸船。

玉泉寺

藍堆翠撲幾千年。銀浦何人也覆船。龍伯徙來方闢地。蠶叢緣此遂登天。紅霞抹額將軍拜。白石橫烟幼婦眠。閒與故人池上語。摘將仙掌試清泉。

哭夾由先生時先伯修歸窆

河陽三度放花春。畢竟拋他鳬鳥身。左手直教持老子。空閨斷不哭佳人。苔深舊竈丹池冷。先生好服

食。胞發金臺白朶新。淚眼一絲能幾許。那堪分洒兩家塵。

余蔬食三年矣。偶因口饑。遂復動葷。輒爾有作用。呈諸衲。不獨解嘲。兼亦志愧云爾。

愛持空鉢嚼花寒。白水青鹽也自安。山色每呼樓笠去。月光只付橘皮看。偶逢白社新開釀。又學山公倒着冠。珍重往年趙閱道。略將鮮脯開蔬盤。

柳浪初正

旋賒白髮號衰翁。舊業今緣次策空。山鳥乍聞新格磔。峽僧遙寄小玲瓏。坐消纖雨輕陰日。閒踏疏黃淺碧風。收拾方橋與蘭漿。待看紅萼慢流中。

舊太守徐濱岳觀察岳陽偶道敝邑詩以送之

江風灑灑綠條絲。父老爭來拜戟支。門外熊羆攀處子。掌中貂虎弄嬰兒。肝腸似月冰皆徹。惠澤如春草不知。一片酒香湖上石。摩苔重寫洞庭碑。

代送徐觀察

章臺春嫩碧芽肥。又見陽和使者歸。南紀霜崖留政蹟。洞庭波月澹容輝。弱蘿有寄千尋直。狐鶚乘吹萬里飛。三載少林門下士。謬持空鉢乞傳衣。

和萃芳館主人魯印山韻

乍雨乍烟作豔陽。高齋幾度角杯觴。偶逢竹冷溪幽處。只覺山心水味長。松下壓槽經月醉。花間彈局一枰香。主人恰似玄真子。細雨斜風載滿航。

其二

愛看幽鳥曝新陽。每遇嘉陰卽倒觴。盡日竹煙消酒去。有時鶯語入簾長。春塘雨過波紋亂。花塢風回蝶翅香。行到碧橋深柳處。一帆涼月滿吳航。

其三

蘿石森疎倚夕陽。主人投轄客傳觴。天高未覺鵬營曠。松老方知鶴夢長。山雨山煙濃淡着。溪紅溪碧淺深香。醉來一覺雲門路。藤枕桃笙泛越航。

其四

幾回傍檻折迷陽。流盡春槽曲水觴。竹色淺分溪浪滑。花枝斜照夜鬢長。清言屢射當場覆。豔語頻勾隔座香。皂帽青鞋後此始。敢將瓢笠附輕航。

其五

幾番對酒惜頽陽。聊爲飛英送一觴。竹裏葵蔬尼客久。山中甲乙倍人長。仙畦屢溉新分藥。道帔猶薰舊賜香。上馬揖來無別語。米家曾乞載書航。

柳浪偕諸客偶題時午節將至

榴花歷歷爛青枝。又到分絲剪艾時。布穀語乾辭社老。寒臯存長畏童兒。酒人每自欺新戶。騷客頻來競

險詩。花路柳關閑不啓。免將肉面照清池。

題澧州沈大夫加恩冊

碧水青崖戀主人。呼他魚鳥作齊民。山中不問栽蘭戶。庭外長留駕鶴賓。官舍有時推洗石。印牀無事只生塵。渚宮巴國爭傳語。看取天花暈錦新。

謝魯印山惠舟兼答來什

白鷁飛來油口濱。尺書啣得自修鱗。憑將貯月籠煙水。泛我輕雲冷石身。濯足且呼回道士。浣花先約杜詩人。鑑湖一曲幽如許。賀老終當作近鄰。

書尾以濟川見期非所望也因述鄙懷以報

巨川舟楫竟如何。不那湖湘烟水多。荇藻自然生遠沚。鳬鷗終是樂清波。環池匝木伸長統。細雨斜風張志和。白日黃雞底相惱。玲瓏爭不爲君歌。

湖亭對月述懷同散木賦

竹氣荷烟冷不分。石泉汨汨夜深聞。每隨流去呼杯子。但覺風來掃樹紋。百畝池臺唯貯月。一家生事只依雲。廢菴朽木頻棲止。漸喜從鷗不亂羣。

中秋對月同散木作

百年看月幾迴盈。那得中秋度度明。縱使清光常滿滿。若無勝地也平平。朱樹碧榭垂千畝。白水青霞過

一生醒卽抱鎗眠卽枕。腮毛漸漸有霜莖。

偶成

自將白水照衰顏。也合長林豐草間。便欲易名辭故國。只愁借姓與青山。溪邊酌月傾高戶。花下題詩嫁小蠻。海錯一筐書半紙。門生新自浙東還。

寄小修

鄉園是處有花芳。不敵深山老萼香。十載交遊填上國。一朝文字榜都堂。玉因朋足多酬償。砂到飛身始驗方。社曲城南饒古寺。休將名姓語支郎。

山中舊齋

山禽漠漠墮霜翎。戶外長搜老茯苓。蒲柳根中抽夏筍。桃花枝上寄冬青。竹蜂入壁垂千穴。天棘縈絲滿一庭。猶有數行殘紛字。古槐西角舊傳經。

答魯印山見賀新居之作

東亭故宅昔曾過。旋着新花剪舊莎。簾遠頗宜低度曲。門寬兼得大張羅。鳩巢喚婦真成拙。蝸屋隨身也覺多。試問柳浪湖上柳。幾回秋草幾春波。

癸卯初度筵中示社友及兩弟

拋他銀綬去躬耕。半踏鄉村半市城。竹大許年成老友。梅開是度作同庚。但憑髭髮稱前輩。轉覺聰明畏

後生紫鳳檀槽香拍板。聽來都肖水泉聲。

集五弟春草堂

草堂紅碧盡離離。輕熱輕寒正好時。種藥且收曾效子。修花惟去最低枝。窗間番舌聽言鳥。堤外風鳶看小兒。欲與少陵添故事。入春新作海棠詩。

浣溪莊落成同社中諸友賦

一灣澄碧一絲縉。洗却平泉草木塵。溪上唱歌隨孺子。樓頭作客盡仙人。鷓鴣帶月移西瀨。蛺蝶分花過北隣。白石青山從此始。不將簪帶惱居民。

其二

溪光桃燄煖紛紛。漸遠喧囂漸不聞。塔下每流無械水。窗間時有不歸雲。糟壇屢建三章約。花社新頒九錫文。一曲垂楊十里板。醉中偏倚石榴裙。

賦得溪上落花

碧溪香重水鱗鱗。飄雪回風舞最新。欲止又飛如照影。乍開忽亂似分身。愁深孝女江頭月。夢逐陳王枕裏人。欲把遺芳付仙子。任他楊柳六街塵。

余友黃鵠生與所暱相去二舍爲置符以召各藏其半題曰花信風社中雅其事作詩詠之

割得銅符與小蠻。一回和着一開顏。香封字字花題驛。錦騎程程月作關。雲裏快呼王母使。雪中愁上萼

砧山。劉郎謾恨仙途遠。流水桃源咫尺間。

其二

藥珠新節出仙官。使雨召雲也不難。油壁車中呼小小。善和坊裏取端端。江頭作押逢青鯉。花下移文付彩鸞。縱使黃河如帶水。雙筠依舊碧琅玕。

雨中集龔名世平遠樓

江干絲雨洗殘春。瘦朵濃條取次新。桐葉烟中遮去艇。麥苗風裏數行人。鐘彝屢辨商周識。絹帖閒翻晉宋塵。碧草青畦煩指點。尙書高壘臥麒麟。（樓近王襄簡墓）

四弟旃檀館卽事

淙淙石脉溜春渠。長日關門掃地居。蓮葉漏中傾研汁。木香花底讀方書。叢筠傍屋多藏鳥。小市通江易得魚。洗墨焚香幽事了。庭莎塔草任澆鋤。

和散木韻

暖風吹雨旣花畦。榮辱何勞問木雞。窗下止容三畝月。門前新着一丸泥。功名且自輪諸弟。家政都將付老妻。碧水丹崖身自領。黃柑斗酒伴鶯啼。

其二

廢垣耘得作春畦。幽客時來載黍雞。蜀葛細裁三尺雪。吳瓶遠餉一封泥。全家羯末封胡弟。半百高柔萊

子妻。蔬水雖貧聊自解。幸無飢苦使兒啼。

集子靜水明樓聽歌仍和散木韻

百畝春臺蓋碧畦。玲瓏且莫唱黃雞。青絲縷帽鴛紋水。紅袖頻麾燕嘴泥。峴石坡前山簡客。天花場上淨名妻。千枝萬朵黃家去。聽取嬌鶯恰恰啼。

散木方鰥誓不娶詩以嘲之仍用前韻

漢陰無侶灌蔬畦。枯枕寒缸坐曉雞。未許少湯能沃雪。也知狂絮不粘泥。家鳧自伴龜蒙語。野雉聊爲牧犢妻。割袖分桃聽懺悔。辟將黃葉止兒啼。

偶成示衛道人用前韻

丹爐成砌藥成畦。枉把刀圭事犬雞。料得此身雖暫毀。辟如土偶乍漂泥。寒山宛爾稱兄弟。龐叟隨緣示女妻。未轉枕來殘夢了。晨光又動曉鶉啼。

竹香

霽雨拖煙溼幾叢。空塔十畝月玲瓏。但憑一抹高寒氣。洗盡千稍豔粉風。深院鶴醒人去後。孤雲僧老鼻觀中。松花柏子差相得。纔有微芬也不同。

其二

削盡穠華是此君。碧欄銀沼醉氤氳。全憑出格幽微韻。體出無聲太古文。定裏只消風引月。夢來唯覺水

依雲。機材寫盡湖州派。清冷知他聞不聞。

喜小修至自燕

藍衫脫却乍歸鄉。心了無官也不妨。客過試開陳白釀。病餘聊復地黃湯。謾追舌底新朝事。且覓山中舊睡方。拚取大觥與長管。一齊闌入少年場。

碧鮮樓小集談養生

浮榮歷盡嘆膏花。曉起方知鬢有華。宏景道成矜白日。樂天老去事丹砂。聊開小閣延方士。拚取深閨鎖夜叉。雲外鬚眉煙外語。一瓶相對社前茶。

偶成

白頭學得一無成。倦卽拋書飽卽行。漸老始知窮本草。多閒方喜讀淵明。東家流水傾莊買。西角叢梢遶屋生。擬與樂天爲近舍。借他歌板佐鶯聲。

入德山舟中偕寒灰冷雲照諸衲子及雲影居士月中有述

一帆斜月墮澄川。似有人呼鐵笛仙。老至青山爲眷屬。生來白社有因緣。幽探處處書成卷。淨侶年年載滿船。料得浮縱無定止。住如竿影去時煙。

龍君御載酒過德山見訪一別十三年矣感念存歿不覺悽然已復自笑舉觥相樂遂大醉